

**ତେସଲନିକିୟ ମଣ୍ଡଳୀର ବିଶ୍ୱାସୀମାନଙ୍କୁ  
ପାଉଲଙ୍କର ପ୍ରଥମ ପତ୍ର  
ତେସଲନିକିୟ ମଣ୍ଡଳୀର  
ବିସ୍ତୃତାସିମନ୍ତକେ ପାଉଲ୍ ପଢ଼ନ୍ତୁମନ୍ତର  
ଚିଠିଲେଖିଲାଟା  
ଏ ବଇର ବିସଇ ଜାନ୍ବାଟା**

୧ ମ ତେସଲନିକିୟ ଚିଠି ପେରିଡ଼ ପାଉଲ୍ ଲେକାଅଇରଇଲା୧:୧ । ଏଟା ପାଉଲ୍ ପଢ଼ନ୍ତୁମନ୍ତର ଲେକାଅଇରଇଲା ଆରି ଏଟା ବାଇବଲେ ଗଟେକ୍ ବାଗ୍ ଅଇଆଟେ । ଏଟା ଜିସୁକିରିସ୍ଟ ଜନମ୍ ଅଇକରି ଲଗାଲଗି ୫୧ ବରସ୍ ପଟେ ଲେକା ଅଇଲାଆଟେ । ଜେତେବେଲେ ପାଉଲ୍ ତେସଲନିକିୟ ମଣ୍ଡଳୀକେ ଚିଠି ଲେଖିଲା, ସେବେଲେ ସେ କରନ୍ତିଅ ମଣ୍ଡଳୀତେଇ ରଇଲା । ଜନ୍ ମଣ୍ଡଳୀକେ କି ସେ ମିସ୍ନାରି ଇସାବେ ଦୁଇପାଲି ଗାଲାବେଲେ ତାପ୍ନା କରିରଇଲା । ପେରିଡ଼ ୧୭:୧-୧୦ ।

ଏଟା କେତେଟା ଜିଉଦି ଆରି କେତେଟା ଗିରିକ୍ ବାସା କଇବା ଲକ୍ମନ୍ ଆକା କରିରଇଲାଇ ବଲି ପେରିଡ଼ ବଇଟାନ୍ତେ କୁଆଅଇଆଟେ । ପାଉଲ୍ ମଣ୍ଡଳୀ ତାପ୍ନା କଲା ପଟେ, ବେସି ଦିନ୍ ତେସଲନିକିଏ ରଇନାପାରଲା । ତେବର୍ପାଇ ତେଇ ରଇବା ବିସ୍ତୃତାସିମନ୍ତକେ ନ ଡରିକରି ରଇବାକେ ସେ ଏ ଚିଠି ପାଟାଇଲା । ଗଟେକ୍ ବିସ୍ତୃତାସି କେନ୍ତାରି ଜିଉନା କାଉନା କର୍ବାକେ ପଡ଼ସି, ଏ ଚିଠି ଟାନ୍ତେ କେତେକ୍ କେତେକ୍ ବିସଇ, ଆରି ବିନ୍ ବିନ୍ ଜାନ୍ବା କାତା ଆଟେ । ପାଉଲ୍ କେତେଟାଟାନ୍ତେ ଆରିତରେକ୍ ଆଇବା ବିସଇ ମନ୍ଦିଆନ୍ ଦେଲାଆଟେ । ଜେନ୍ତିକି ତେସଲନିକିୟ ମଣ୍ଡଳୀର ବିସ୍ତୃତାସିମନ୍ତ ଏ ବିସଇତେଇ କାଇ ଅସୁବିଦା ନ ଅଇକରି ଆଗ୍ତୁ ଅଇତେରଇଲାଇ । ପାଉଲ୍ ଜିସୁ ଆରିତରେକ୍ ଆଇବାଟା ନେଇ କେନ୍ତାରି ଜିଉନା କାଉନା କର୍ବାର୍ ଆରି ପର୍ମେସର୍କେ ସାର୍ଦା

କରାଇବାକେ ଜାନାଇଲାନି । ୫:୬-୮ ।

**ଏ ବଇଟାନେ ରଇଲାଟା**

- ୧. ପାଉଲ୍ ମଣ୍ଡଲିକେ ଜୁଆର୍ ଜାନାଇ କରି ଆରି ପର୍ମେସର୍‌କେ ଦନିଅବାଦ୍ ଦେଇକରି ଚିଟି ଆରାମ୍ କଲାଆଟେ । ୧
- ୨. ପଟେ ସେ ତିମତି ଆନିରଇବା କବର୍ ଆରି ତାର୍ କାମ୍ ବିସଇନେଇ ବୁଜାଇଲା । ୨-୩
- ୩. ଜିସୁକେ ବିସ୍‌ବାସ୍ କଲା ଲକ୍ ସେ ଆରିତରେକ୍ ଆଇବା ଜାକ ଜାଗିରଇକରି କେନ୍ତାରି ଜିଉନା କାଉନା କର୍‌ବାର୍ ସେଟା ଚେତାଇ କରି ଆଦେସ୍ କଲାନି । ୪:୧-୫:୧୫
- ୪. ପାଉଲ୍ ଆରିତରେକ୍ ମଣ୍ଡଲିକେ ଜୁଆର୍ ଜାନାଇକରି ସେମନ୍‌କେ ଚିଟି ପଢ଼ବାକେ ବାଦିଅ କରାଇ ସେସ୍ କଲାନି । ୫:୧୬-୨୮

୧ ✨ମୁଇ ପାଉଲ ଆରି ମର୍ ବାଇମନ୍ ସିଲାନ, ଆରି ତିମତି ତେସଲନିକିୟ ମଣ୍ଡଲିକେଇ ରଇବା ଲକ୍‌ମନ୍‌କେ ଏ ଚିଟି ଲେକ୍‌ଲୁନି । ବାବା ପର୍ମେସର୍ ଆରି ମାପୁରୁ ଜିସୁକିରିସ୍‌ଟ ଜିବନ୍ ଦୁକାଇଲା ସାନ୍ତି ତମ୍‌କେ ମିଲ ।

**ତେସଲନିକିୟ ମନର୍ ବିସ୍‌ବାସର୍**

୨ ଆମେ ସବୁବେଲେ ତମର୍ ସବୁ ଲକ୍‌ପାଇ ପର୍ମେସର୍‌କେ ଦନିଅବାଦ୍ ଦେଇତେରଇବୁ ଆରି ପାର୍‌ତନା କଲାବେଲେ ତମର୍ ବିସଇ ସବୁବେଲେ ଜାନାଇତେରଇବୁ । ୩ ତମେ ବିସ୍‌ବାସ୍ କରି କେନ୍ତ୍ର ଚଲାଚଲ୍‌ତି କଲାସ୍‌ନି ଆରି ତମର୍ ତମର୍ ବିତ୍‌ରେ ରଇବା ଆଲାଦର୍ ଲାଗି, ମିସିବିଡି କେନ୍ତ୍ର ସାଇଜ କରାକରି ଅଇଲାସ୍‌ନି ଆରି ମାପୁରୁ ଜିସୁ କିରିସ୍‌ଟ ଟାନେ ତମର୍ ବିସ୍‌ବାସ୍ କେନ୍ତ୍ର ତାଟ୍ ଅଇଆଟାସ୍ । ୪ ବାଇବଇନିମନ୍ ! ଆମେ ଜାନିଆରୁ ଜେ, ପର୍ମେସର୍ ତମ୍‌କେ ଆଲାଦ୍ କଲାନି । ଆରି ସେ ତମ୍‌କେ ନିଜର୍ ଲକ୍ କର୍‌ବି ବଲି ବାଟ୍‌ଲାଆଟେ । ୫ ଜେଡେବେଲେ ଆମେ ତମ୍‌କେ ଏ ସୁର୍ କବର୍ ଜାନାଇରଇଲୁ, ସେଟା ଅବ୍‌କା କାତାଇ ନ ରଇଲା, ମାତର୍ ସୁକଲ୍‌ଆତ୍‌ମାର୍ ବପୁ ସଙ୍ଗ୍ ଆରି ସେଟା ସଡ଼ ବଲି ପୁରାପୁରୁନ୍ ବିସ୍‌ବାସର୍ ସଙ୍ଗ୍ ରଇଲା । ତମେ

✨ ୧:୧ ୧:୧ ପେରିଡ୍ ୧୭:୧

ଜାନାସ୍, ତମର ସଙ୍ଘ ରଇଲାବେଳେ ଆମେ କେନ୍ତ୍ରି ରକାମେ ଜିଉନାକାଉନା କର୍ତ୍ତେରଇଲୁ, ଜେନ୍ତ୍ରିକି ତମର ମଙ୍ଗାଲ୍ ଅ ବଲି ଆମର ବାବ୍ନା ରଇଲା । <sup>୬</sup> \*ତମେ ଚଲାଚଲ୍ତିତେଇ ଆମର ପାରା ଆରି ମାପରୁର ପାରା ରଇଲାସ୍ । ତମକେ ଦୁକ୍‌କସ୍‌ଟ ଅଦିକ୍ ରଇଲେ ମିସା ସୁକାଲ୍ ଆଡ଼ମାର୍ ଟାନେଅନି ମିଲାଇରଇବା ସାର୍ଦା ସଙ୍ଘ ସୁବ୍ କବର୍ ମାନଲାସ୍ । <sup>୭</sup> ତେବେ ତମେ ମାକିଦନିଆ ଆରି ଆକାୟାତେଇ ରଇବା ସବୁ ବିସ୍‌ବାସିମନ୍‌କେ ଗଟେକ୍ ବାଟ୍‌ଦେକାଉ ପାରା ରଇଲାସ୍ । <sup>୮</sup> ତମରଲଗେଅନି ମାସିଦନିଆ ଆରି ଆକାୟାର୍ ଜାଗାମନ୍‌କେ ଅବ୍‌କା ମାପରୁର ସୁବ୍‌କବର୍‌ସେ ବିଚି ନ ଅଇରଇଲା । ମାତର୍ ତମେ ମାପରୁକେ ବିସ୍‌ବାସ୍ କରିରଇବା କାତା ସବୁ ବାଟେ ଜାନାପଡ଼ଲା ଆଟେ । ଏ ବିସଇ ଆରି ଆମେ ଅଦିକ୍ କଇବା ଦରକାର୍ ନାଇ । <sup>୯</sup> ଆମେ ତମରଲଗେ ଆଇଲାବେଳେ ତମେ ଜେନ୍ତ୍ରି ଆଲାଦର୍‌ସଙ୍ଘ୍ ଡାକିରଇଲାସ୍ ଆରି ରୁଟା ପାକ୍‌ନାମନ୍ ପୁଜା କର୍‌ବାଟା ଚାଡ଼ିକରି ଜିବନ୍ ରଇବା ପର୍‌ମେସର୍‌କେ ଉପାସନା କର୍‌ବାକେ ଆଗ୍‌ତୁ ଆସିରଇଲାସ୍ । ଏ ସବୁ ବିସଇ ତେଇର୍ ଲକ୍‌ମନ୍ କାତା ଅଇଲାଇନି । <sup>୧୦</sup> ଆରି ପର୍‌ମେସର୍ ତାର୍ ନିଜର୍ ଜନ୍ ପଅକେ, ମଲା ଲକ୍‌ମନ୍‌ର ବିଡ଼ରେ ଅନି ଉଟାଇଲା । ଆରି ଜେ କି ଆଇତେରଇବା ପର୍‌ମେସରର୍ ବଡ଼ ଡଣ୍ଡତେଇଅନି ଆମକେ ରକିଆ କର୍‌ସି । ତାର୍‌ପିଲା ଜିସୁ ସର୍‌ଗେଅନି ଆରିତରେକ୍ ଆଇବାଟାକେ ଆମେ ଜାଗିକରି ରଉଁ । ଏ ସବୁ ବିସଇ ମିସା ତେଇର୍ ଲକ୍‌ମନ୍ କାତାବାର୍‌ତା ଅଇଲାଇନି ।

## ୨

### ତେସଲନିକିତେଇ ପାଉଲର୍ କାମ୍

<sup>୧</sup> ଏ ବାଇବଇନିମନ୍ ତମେ ନିଜେ ଜାନି ଆଚାସ୍, ତମରଲଗେ ଆମେ ଆଇଲାଟା ରୁଟାଇ ନ ରଇଲା । <sup>୨</sup> \*ତମର୍‌ଟାନେ ଆଇବା ଆଗ୍‌ତୁ ପିଲିପେ ଆମକେ କେନ୍ତ୍ରି ଦୁକ୍ ନିନ୍ଦା ଅଇରଇଲା, ସେଟା ତମେ ଜାନାସ୍ । ବେସି ଲକ୍ ଆମକେ ବିରଦ୍ କଲେ ମିସା ସୁବ୍‌କବର୍ ତମକେ ଜାନାଇବାକେ ପର୍‌ମେସର୍ ସାଆସ୍ ଦେଇରଇଲା । <sup>୩</sup> ଆମେ

☆ ୧:୬ ୧:୬ ପେରିଡ଼ ୧୭:୫-୯ ☆ ୨:୨ ୨:୨ ପେରିଡ଼ ୧୭:୧୯-୨୪; ପେରିଡ଼ ୧୭:୧-୯

ବାବୁଜିଆ କଲାଟା, ଲକ୍ମନର ବୁଲ୍ ଆଦେସ୍ ଅନି ନ ରଇଲା ଆରି ନାଡ଼ାଇବାଟା କି ବୁଲ୍‌ବାଟେ ନେବା ବିସଇ ନ ରଇଲା । ୪ ମାତର ସବୁବେଲେ ଆମେ ପର୍ମେସରର୍ ମନ୍ କଲା ଇସାବେ ସେ କାତା କଇତେରଇବୁ । କାଇକେବଇଲେ ସେ ଆମ୍‌କେ ବାଟିକରି ସୁବ୍‌କବର୍ ଜାନାଇବା ଦାଇଡ଼ ସର୍ପି ଦେଲାଆତେ । ଲକ୍ମନକେ ସାର୍‌ଦା କରାଇବାକେ ଆମର୍ ଆଦେସ୍ ନାଇ । ଜନ୍ ପର୍ମେସର୍ ଆମର୍ ମନ୍ ବିଡ଼ରଟା ପରିକା କରି ଦେକିପାରସି, ତାକେ ଆକା ସାର୍‌ଦା କରବାକେ ଆମେ ତେସ୍‌ଟା କଲୁନି । ୫ ତମେତା ନିକ କରି ଜାନାସ୍ । ଆମେ କେବେ ମିସା ତମ୍‌କେ ସାର୍‌ଦା କରାଇବା କାତା କଇ ନ ରଇଲୁ । ଆମର୍ ଲବ୍‌ଅଇବାଟାକେ ଲୁଟାଇକରି ସଙ୍ଗତନାଇ । ତମର୍‌ଲଗେ କାରାପ୍ ବେବାର୍ କରି ନ ରଇଲୁ । ଏ ବିସଇଟାନେ ପର୍ମେସର୍ ଆମର୍ ସାକି । ୬ ଆମେ କାର୍‌ଲଗେ ଅନି ସନ୍‌ମାନ୍ ପାଇବୁ ବଲି ତେସ୍‌ଟା କରି ନ ରଇଲୁ । ତମର୍‌ଟାନେ ଅନି କି ବିନ୍ ଲକର୍ ଟାନେଅନି ମିସା ନାଇ । ୭ ଜଦି କିରିସ୍‌ଟ ପାଟାଇରଇବା ପେରିଡ଼ ଇସାବେ ଆମ୍‌କେ ତମେ ମାନିକରି ରୁଆ ବଲି ଦାବି କରୁତୁ । ମାଆ ଜେନ୍ତ୍ର ନିଜର୍ ପିଲାମନ୍‌କେ ଜତନ୍ କର୍ତେରଇସି, ଆମେ ତମର୍‌ଲଗେ ରଇବା ବେଲାଇ ସେରକାମ୍ କର୍ତେରଇଲୁ । ୮ ଆମେ ତମ୍‌କେ ବେସି ଆଲାଦ୍ କଲୁ ଜେ, ତମ୍‌କେ ଅବ୍‌କା ପର୍ମେସରର୍ ସୁବ୍ କବର୍ ଜାନାଇବୁ ବଲି ନାଇ, ମାତର୍ ତମର୍‌ଲାଗି ନିଜ୍‌କେ ସର୍ପି ଅଇବାକେ ମିସା ତିଆର୍ ଅଇରଇଲୁ । ତମେ ଆମର୍ କେଡେକ୍ ନିଜର୍ ନ ରଇଲାସ୍ ! ୯ ଏ ବାଇବଇନିମନ୍ ଆମେ ଆବଡ଼ ଅଇ ଗାଗତେ ବାଦିଜାଇରଇଲେ ମିସା ମାନିଅଇ କାମ୍ କଲାଟା ତମ୍‌କେ ମନେରଇସି । ଆମେ ଜେନ୍ତ୍ରକି ତମର୍ ଉପ୍‌ରେ ବଜ୍ ନ ଅଇକରି, ଏଟାର୍‌ପାଇ ଦିନ୍ ରାତି କସ୍‌ଟ ପାଇ ପର୍ମେସରର୍ ସୁବ୍‌କବର୍ ତମ୍‌କେ ଜାନାଇରଇଲୁ ।

୧୦ ଜେତେବେଲେ ଆମେ ତମର୍‌ଟାନେ ରଇଲୁ, ଆମେ କେନ୍ତ୍ର ସୁକଲ୍‌ଅଇ, ସତଇସେ କାଇ ଦସ୍ ନ ଅଇକରି ଚଲାଟଲ୍‌ତି କର୍ତେରଇଲୁ । ନିଜେ ପର୍ମେସର୍ ଆରି ତମେ ଆକା ଆମର୍ ସାକି ଆଗାସ୍ । ୧୧ ତମେତା ଜାନାସ୍ । ବାବା ଜେନ୍ତ୍ର ନିଜର୍ ପିଲାମନ୍‌କେ ଚଲାଟଲ୍‌ତି କର୍ତା, ଆମେ ମିସା ସମାନ୍ ସେନ୍ତ୍ରାରିସେ ଚଲାଟଲ୍‌ତି କରିରଇଲୁ । ୧୨ ଆମେ ତମ୍‌କେ ସାଆସ୍ ଦେଇରଇଲୁ,

ଦୁଇ ସାରାଇରଇଲୁ, ଆରି ପରମେସରଟାନେ ଟିକ୍ସଙ୍ଗ୍ ଚଲାଚଲ୍ତି ଅଇ ବୁଢ଼ବାକେ ବାବୁଜିଆ କରତେରଇଲୁ । ପରମେସର୍ ଜେ କି ତାର ରାଇଜେ ଆରି ତାର ମଇମା ଟାନେ ମିସିରଇବାକେ ତମ୍ବକେ ଡାକ୍ଲାନି ।

୧୩ ଆମେ ପରମେସରକେ ଏଟାର୍ପାଇ ମିସା ଦନିଅବାଦ୍ ଦେଲୁନି, କାଇକେବଇଲେ ଜେଡେବେଲେ ଆମେ ତାର ସୁବ୍‌କବର୍ ତମ୍ବକେ ଜାନାଇରଇଲୁ ସେଟା ପରମେସର୍ ଟାନେ ଅନି ଆଇଲା ବାକିଅ ବଲି ତମେ ମାନୁଲାସ୍ । ଏଟା ଲକ୍‌ମନର୍ ଟାନେଅନି ଆସି ଆତେ ବଲି ନାଇ । ସତଇସେ ସେଟା ପରମେସରର୍ ବାକିଅ । ଆରି ତମ୍ବପାରା ବିସ୍‌ବାସିମନର୍ ମନ୍ ବିଡ଼ରେ, ସେଟା ଡାଟ୍ ଅଇରଇସି । ୧୪ ✨ଏ ବାଇବଇନିମନ୍ ଜିଉଦା ଦେସେ ରଇବା ପରମେସରର୍ ମଣ୍ଡୁଲିମନ୍‌କେ ଆରି ତେଇ ରଇବା କିରିସ୍‌ଟ ବିସ୍‌ବାସିମନର୍‌ଲାଗି ଜନ୍ ଗଟ୍‌ନା ଗଟିରଇଲା, ତମ୍ବପାଇ ମିସା ସେ ଗଟ୍‌ନା ଗଟ୍‌ଲା ଆତେ । ସେମନ୍ ଜିଉଦିମନର୍ ଲଗେଅନି ଜନ୍ ରକାମ୍ ତାଡ଼ନା ପାଇରଇଲାଇ, ତମେ ମିସା ନିଜର୍ ଦେସର୍ ଲକ୍‌ମନର୍ ଲଗେଅନି ସେ ସମାନ୍ ତାଡ଼ନା ପାଇଆଗାସ୍ । ୧୫ ✨ ଜିଉଦିମନ୍ ମାପୁରୁ ଜିସୁକେ ଆରି ବବିସ୍‌ତ୍‌ବକ୍‌ତାମନ୍‌କେ ମରାଇରଇଲାଇ ଆରି ଆମ୍‌କେ ମିସା ଦୁଇ କସ୍‌ଟ ଦେଇରଇଲାଇ । ସେମନର୍‌ଟାନେ ପରମେସର୍ ସାନ୍ତି ନାଇ । ସେମନ୍ ସବୁ ମୁନ୍‌ସ୍‌ଜାତିର୍ ସତ୍‌ରୁ ।

୧୬ ଜେନ୍ତାରି କି ଜନ୍ ସୁବ୍‌କବର୍ ଜାନାଇଲେ ଜିଉଦି ନଇଲା ଲକ୍‌ମନ୍‌କେ ମୁକ୍ତି ମିଲି ପାର୍‌ସି, ସେଟା ଚାଡ଼ି ଦେଅଡ଼ ବଲି ଆମ୍‌କେ ସେମନ୍ ଚେସ୍‌ଟା କଲାଇନି । ଏନ୍ତାରି ସେମନ୍ କରତେରଇବା ପାପ୍ ଅଦିକ୍ ଅଦିକ୍ ବଡ଼ିଜାଇକରି ସାରାସାରି ଆସି କେଟିଆତେ । ଏବେ ସାରାସାରି ବେଲାଇ ସେମନର୍ ବିରୁଦେ ପରମେସରର୍ ରିସା ଅଇଆତେ ।

### ପାଉଲ୍ ଆରିତରେକ୍ ଜିବାକେ ମନ୍‌କଲା

୧୭ ଏ ବାଇବଇନିମନ୍ ଜେଡେବେଲେ ଆମେ ଚନେକର୍‌ପାଇ ତମ୍ବଟାନେଅନି ବିନେ ଅଇଜାଇରଇଲୁ, ସେଟା ଗାଗଡ଼ ଇସାବେ । ମାତର୍ ଆମର୍ ମନ୍ ବିଡ଼ରେ ତମେ ସବୁବେଲେ ବାସାଅଇରଇଲାସ୍

✨ ୨:୧୪ ୨:୧୪ ପେରିଡ଼ ୧୭:୫  
୯:୨୩, ୨୯:୧୩; ୪୫, ୫୦:୧୪; ୫, ୧୯:୧୭; ୫, ୧୩:୧୮:୧୨

✨ ୨:୧୫ ୨:୧୫ ପେରିଡ଼

। ତମ୍ଭେ ଏତାଇ ଏତାଇ କରି ବେସି ଚିନ୍ତା କରତେରଇଲୁ । ପତେ ଆରିତରେକ୍ ତମ୍ଭେ ଦେକ୍‌ବାକେ ଚେସ୍‌ଟା କରତେରଇଲୁ । ୧୮ ମାତର୍ ତମ୍ଭଲଗେ ବାଉଡ଼ିଆଇବାକେ ଆମ୍ଭେ ବେସି ମନ୍‌ରଇଲା । ମୁଇ ନିଜେ ତମ୍ଭଲଗେ ବାଉଡ଼ିଆଇବାକେ ଗଟେକ୍‌ତର୍ ଚେସ୍‌ଟାକରିରଇଲି, ମାତର୍ ଏଟାର୍‌ପାଇ ଆମ୍ଭେ ସଇତାନ୍ ବାଦା ଦେଲା । ୧୯ ସେ ଗାଲା କାତା ଗାଲାବେ । ମର୍ ଆସା ଆଚେ, ମାପ୍‌ରୁ ଜିସୁ ଆଇବା ବେଲେ ତମେ ଆମର୍ ଆସା, ସାର୍‌ଦା ବଡ଼ପନ୍ ଆରି ଜିଡ଼ବାଟା । ୨୦ ତମେ ସବୁବେଲେ ଆମର୍‌ପାଇ ଡାକ୍‌ପୁଟା ଆରି ସାର୍‌ଦା ।

## ୩

୧ ✱ସାରାସାରିପତେ ଆମେ ଦୁକ୍ କସ୍‌ଟ ମୁର୍ଚି ନାପାରିକରି ଆତିନେସ୍‌ତେଇ କାର୍ ସଙ୍ଗ୍ ନ ମିସିକରି ଜିଉନାକାଉନା କରୁବଲି, କାତା ଅଇଲୁ । ୨ ତମ୍ଭେ ବପୁ କରାଇବାକେ ଆରି ତମର୍ ବିସ୍‌ବାସ୍ ଡାଟ୍ କରାଇବାକେ ତମର୍ ଲଗେ ଆମର୍ ବାଇ ତିମତିକେ ପାଟାଇରଇଲୁ । ସେ ଆମର୍‌ସଙ୍ଗ୍ କିରିସ୍‌ଟର୍ ସୁବ୍‌କବର୍ ଜାନାଇକରି ପର୍‌ମେସରର୍ ସେବା କଲାନ୍ତି । ୩ ତମର୍ ଉପରେ ଅଇତେରଇବା ବିପଦର୍ ଲାଗି ଜେକ୍ଟିକି କେ ମିସା ବିନ୍ ବାଟେ ନ ଜାଅଡ଼ । ସେଟାର୍‌ପାଇ ସେ ତମ୍ଭେ ସାଇଜ କର୍‌ସି । ଏଲେମିସା ତମେତା ଜାନାସ୍, ଆମ୍ଭେ ମିସା ଏକ୍ଟାରି କସ୍‌ଟ ମିଲ୍‌ଲାନ୍ତି, ଏଟା ଆମର୍ ପାଇ ପର୍‌ମେସର ମନ୍ କର୍‌ବାଟା । ୪ ଆମେ ତମର୍‌ସଙ୍ଗ୍ ରଇଲା ବେଲେ, ବେସି ଆଗେଅନ୍ ଆମ୍ଭେ ଦୁକ୍‌କସ୍‌ଟ ଆଇସି ବଲି ପୁର୍‌ବେଅନ୍ ଜାନାଇ ଦେଇରଇଲୁ । ଏବେ ତମେ ଜାନ୍‌ଲାସ୍‌ନି, ଟିକ୍ ସେଟାସେ ଗଟ୍‌ଲା । ୫ ଏଟାର୍‌ପାଇ ତମର୍ ବିସଇ ନାଜାନିକରି ମୁଇ ରଇ ନାପାରଲି । ତମେ ବିସ୍‌ବାସେ ଆତାସ୍ କି ନାଇ ଚିନ୍ତାକରି ମୁଇ ତିମତିକେ ପାଟାଇଲି । ଏଟାର୍‌ପାଇ ବଲି କେଡେବେଲେ ସଇତାନ୍ ତମ୍ଭେ ପରିକା କରି ଆମେ ଆବଡ଼ ଅଇ କଲାଟା ତୁଟାଇ ଜାଇସି ବଲି ଡର୍‌ତେ ରଇଲି ।

୬ ✱ମାତର୍ ତିମତି ତମର୍‌ଲଗେଅନ୍ତି ବାଉଡ଼ି ଆସି ତମର୍ ବିସ୍‌ବାସ୍ ଆରି ଆଲାଦର୍ ବିସଇର୍ ସୁବ୍‌କବର୍ ଆନ୍‌ଲା । ସେ ଆମ୍ଭେ

ଜାନାଇଦେଲାଆଚେଜେ, ତମେ ସବୁବେଳେ ଆମ୍ଭଙ୍କେ ଆଲାଦ୍ ସଙ୍ଗ୍ ଏଡ଼ କଲାସ୍ଥି ଆରି ଆମେ ଜେନ୍ତୁକି ତମ୍ଭଙ୍କେ ଦେକ୍‌ବାକେ ମନ୍ କଲୁନି, ତମେ ମିସା ସେରକାମ୍ ଆମ୍ଭଙ୍କେ ଦେକ୍‌ବାକେ ମନ୍ କଲାସ୍ଥି । <sup>୭</sup> ତେବେ ଏ ବାଇବଇନିମନ୍, ଆମେ କାକୁରତି ଅଇ ଦୁକ୍ କସ୍ତ ପାଇଲା ବେଳେ ତମର୍ ବିସ୍‌ବାସର୍‌ଲାଗି ସାର୍‌ଦା ଅଇଲୁନି । ତମର୍ ବିସ୍‌ବାସ୍ ଆକା ଆମ୍ଭଙ୍କେ ସାଆସ୍ ଦେଇକରି ସଙ୍ଗଇଆଚେ । <sup>୮</sup> କାଇକେବଇଲେ ଏବେ ତମେ ତାଟ୍‌ଅଇ ମାପୁରୁ ସଙ୍ଗ୍ ମିସିକରି ଆଚାସ୍ । ଏଟା ଆମେ ଜାନିକରି ଆରିତରେକ୍ ସାର୍‌ଦା ସଙ୍ଗ୍ ଜିଇଲୁନି । <sup>୯</sup> ଉ, ଆମର୍ ପର୍‌ମେସରର୍ ମୁଆଟେ ତମର୍ ଲାଗି ଆମେ ସବୁଲକ୍ ସାର୍‌ଦା ଅଇଲୁନି । ସେଟାପାଇ ତମର୍‌ଲାଗି ପର୍‌ମେସର୍‌କେ ଦନିଅବାଦ୍ ଦେଲୁନି । <sup>୧୦</sup> ତମେ ବିସ୍‌ବାସ୍ କଲାଟାନେ କେତେଟା ଉନା ଆଚେ । ସେଟା ପୁରାପୁରୁନ୍ କର୍‌ବାକେ, ଆମେ ତମର୍‌ସଙ୍ଗ୍ କେନ୍ତୁ ମିସିପାରୁ, ଏଟାପାଇ ଦିନ୍ ରାତି ପାର୍‌ତନା କରିଲାଗିଆତୁ ।

<sup>୧୧</sup> ତମର୍‌ଲଗେ ଆଇବାକେ ଆମ୍ଭଙ୍କେ ଆମର୍ ବାବା ପର୍‌ମେସର୍ ଆରି ଆମର୍ ମାପୁରୁ ଜିସୁ ବାଟ୍ ତିଆର୍‌କରି ଦେଅଡ଼ । <sup>୧୨</sup> ଜେନ୍ତୁକି ଆମର୍ ଆଲାଦ୍ ତମର୍‌ପାଇ ବଡ଼ିଆଇଲାନି, ସେନ୍ତାରିସେ ନିଜର୍ ନିଜର୍ ବିଡ଼ରେ, ଆରି ସବୁ ଲକ୍‌ମନ୍‌କେ ମାପୁରୁ ଆଲାଦ୍ ବଡ଼ାଇକରି ଅଦିକ୍ କର । <sup>୧୩</sup> ମାପୁରୁ ଏନ୍ତାରି ତମ୍ଭଙ୍କେ ତବିର୍ କରାଅ । ଜେଡେବେଲେ ଆମର୍ ମାପୁରୁ ଜିସୁ ତାଟ୍ ନିଜର୍ ସୁକଲ୍ ଲକ୍‌ମନ୍‌ର୍ ସଙ୍ଗ୍ ଆଇବା ବେଳେ, ତମେ କାଇ ଦସ୍ ନ ଅଇତେ ଆରି ସୁକଲ୍ ଅଇ, ବାବା ପର୍‌ମେସରର୍ ମୁଆଟେ ଚିଆଅଇସା ।

## ୪

### ପର୍‌ମେସର୍ ଦେକ୍‌ବା ଇସାବେ ସାନ୍‌ତିରେ ରଇବା ଜିବନ୍

<sup>୧</sup> ତେବେ ଏ ବାଇମନ୍ ସାରାସାରି ବେଲାଇ କେନ୍ତାରି ଚଲାଚଲ୍‌ତି କଲେ ପର୍‌ମେସର୍ ସାର୍‌ଦା ଅଇସି, ସେ ବିସଇ ତମେ ଆମର୍‌ଟାନେଅନି ସିକିଆଚାସ୍ । ଆରି ସେନ୍ତାରିସେ ଚଲାଚଲ୍‌ତି କଲାସ୍ଥି । ତମେ ଜେନ୍ତାରି କଲାସ୍ଥି, ସେ ଇସାବେ ଆରି ଆଗ୍ରୁ ଆଗ୍ରୁ ଜିବାକେ ଆମେ ତମ୍ଭଙ୍କେ ମାପୁରୁ ଜିସୁର୍ ନାଉଁଦାରି ବାବୁଜିଆ କରି ସାର୍‌ଦା କରାଇଲୁନି । <sup>୨</sup> କାଇକେବଇଲେ ମାପୁରୁ

ଜିସୁରଟାନେଅନି ଆଦେସ୍ ପାଇକରି ଜାଇ ଜାଇଟା କରବାକେ କଇରଇଲୁ, ସେଟା ତମେ ଜାନାସ୍ ।<sup>୩</sup> ଜେନ୍ତାରି କି ତମେ ବେସିଆ କାମଟାନେଅନି ବିନେ ରଇକରି, ସୁକଲ୍ ସଙ୍ଗ୍ ରଇବାଟା ପରମେସର୍ ମନ୍ କଲାନ୍ତି ।<sup>୪</sup> ସବୁଲକ୍ ସୁକଲ୍ ଆରି ଆଲାଦ୍‌ସଙ୍ଗ୍ ନିଜର୍ ନିଜର୍ ମାଇଜିମନର୍ ସଙ୍ଗ୍ ରଇବାକେ ସିକା ।<sup>୫</sup> ଆରି, ଜେନ୍ତକି ବିସ୍‌ବାସ୍ ନ କଲା ଲକ୍‌ମନର୍‌ପାରା ପରମେସର୍‌ର ବାକିଅ ନ ମାନିକରି ଆସାର୍ କାମ୍ କରାନାଇ ।<sup>୬</sup> ଜେ ଜଦି ଏ ବିସଇ ନ ମାନିକରି କନ୍ ବିସ୍‌ବାସି ବାଇକେ ମିସା ଅନିଆଇ କରସି ବଇଲେ, ମାପରୁ ଏ ସବୁ ବିସଇ ନେଇ ତଣ୍ଡ ଦେଇସି । ଏ କାତା ଆମେ ପୁରବେ ଜାନାଇଦେଇ ଆରୁ ।<sup>୭</sup> କାଇକେବଇଲେ ପରମେସର୍ ଆମ୍‌କେ ସୁକଲ୍ ନ ଅଇକରି ଜିଉନା କାଉନା କରବାକେ ତାକେନାଇ ମାତର୍ ସୁକଲ୍ ଅଇ ରଇବାକେ ତାକିଆଟେ ।<sup>୮</sup> ତେବେ ଜେ ଆମର୍ ଏ ସିକିଆ ନ ନାମେ, ସେ ଅବକା ମୁନୁସ୍‌କେ ନ ନାମେ । ମାତର୍ ଜନ୍ ପରମେସର୍ ତମର୍ ବିତ୍‌ରେ ସୁକଲ୍‌ଆଡ଼ମା ଦେଇସି, ତାକେ ନ ନାମେ ।

<sup>୯</sup> ଏ କିରିସ୍‌ଟ ବିସ୍‌ବାସି ବାଇବଇନିମନ୍, ତମର୍ ଆଲାଦ୍ କରବା ବିସଇ ଆମେ ଆରି ଅଦିକ୍ ଲେକ୍‌ବାର୍ ଦରକାର୍ ନାଇ । କାଇକେବଇଲେ ତମେ ପରମେସର୍‌ଟାନେଅନି ନିଜର୍ ନିଜର୍ ବିତ୍‌ରେ ଆଲାଦ୍ କରବାଟା ସିକିଆଟାସ୍ ।<sup>୧୦</sup> ଆରି ଗୁଲାଇ ମାକିଦନିଆଇ ରଇବା ସବୁ ବିସ୍‌ବାସି ବାଇମନ୍‌କେ ସେନ୍ତାରି କଲାସ୍‌ନି । ଏଲେମିସା, ତମେ ଆରି ଅଦିକ୍ ଅଦିକ୍ ସେନ୍ତାରି କରା ।<sup>୧୧</sup> ଆରି ତମ୍‌କେ ପୁରବେ ଦିଆଅଇରଇବା ଆଦେସ୍ ଇସାବେ ତମେ ସାନ୍ତିସଙ୍ଗ୍ ରଇକରି ନିଜର୍ ନିଜର୍ କାମେ ଲାଗିରୁଆ, ପାଇଟି କାବାଡ୍ କରି ରୁଆ । ଏଟାର୍‌ପାଇ ଆମେ ତମକେ ବାବୁଜିଆ କଲୁନି ।<sup>୧୨</sup> ଏନ୍ତାରି କଲେ ବିସ୍‌ବାସ୍ ନ କରବା ଲକ୍‌ମନ୍ ମିସା ତମ୍‌କେ ନାମ୍‌ପାଇ । ଆରି କାଇଟା ମିସା ଅବାଦ୍ ନ ଅଏ । ତମ୍‌କେ ଦରକାର୍ ରଇବା ବିସଇପାଇ ବିନ୍‌ଲକ୍‌କେ ଆସା କରବାକେ ନ ପଡେ ।

### ମାପରୁ ଆରିତରେକ୍ ଆଇବାଟା

<sup>୧୩</sup> ଏ ବାଇବଇନିମନ୍, ଆସା ନ କରବା ବିନ୍ ଲକ୍‌ମନର୍ ପାରା ଦୁକ୍ ଚିନ୍ତା ଅଇ ରୁଆନାଇ । ଏଟାର୍‌ପାଇ ତମେ ମରିଜାଇରଇବା ଲକ୍‌ମନର୍ ବିସଇ ଜାନିରୁଆ ।<sup>୧୪</sup> କାଇକେବଇଲେ ଜିସୁ ମରିକରି



ଆରିତରେକ୍ ଉଚିଆଚେ ବଲିକରି ଆମେ ବିସ୍ବାସ୍ କଲୁନି । ତେବେ ଆମେ ତାଟ୍ ସଙ୍ଗ୍ ଜାନି ଆରୁ କି, ଜନ୍ ଲକ୍ମନ୍ ଜିସୁକେ ବିସ୍ବାସ୍ କରି ମରିଆଚଡ୍, ସେ ଆରିତରେକ୍ ଆଇଲେ ପର୍ମେସର୍ ତାଟ୍ ସଙ୍ଗ୍ ସେମନ୍‌କେ ଦାରିଜାଇସି ।

୧୫ ✨ଏବେ ଆମେ ତମ୍‌କେ ଜନ୍ ସିକିଆ ଦେଲୁନି, ସେଟା ମାପୁରୁର୍ ସିକିଆ । ମାପୁରୁ ଆଇବା ବେଲେ ଜେଡ୍‌କି ଲକ୍ ଆମେ ନ ମରିକରି ଜିଇ ଆରୁ, ଆମେ ଦେକ୍‌ବା ଆଗ୍ତୁ ମରିଜାଇରଇବା ବିସ୍ବାସିମନ୍ ମାପୁରୁକେ ଦେକ୍‌ବାଇ । ୧୬ କାଇକେବଇଲେ ମାପୁରୁ ନିଜେ ଆଦେସ୍ ଦେଇ, ମୁକିଆ ଦୁତର୍ ସର୍ ଆରି ପର୍ମେସର୍‌ର୍ ବାଜାମଇରି ସଙ୍ଗ୍ ସର୍‌ଗେ ଅନି ଉତର୍‌ସି । ଜିସୁକିରିସ୍‌ଟକେ ବିସ୍ବାସ୍‌କରି ଜନ୍‌ଲକ୍‌ମନ୍ ମରିଆଚଡ୍ ସେମନ୍ ତେଇ ପର୍ତମେ ଉଟ୍‌ବାଇ । ୧୭ ତାଟ୍‌ପଚେ ଆମେ ଜେଡ୍‌କି ଲକ୍ ଜିବନ୍ ରଇବୁ, ସେବେଲେ ମେଗ୍‌ମାଲାଅନି ସେମନ୍‌ର୍‌ସଙ୍ଗ୍ ଉଡ୍‌ରିକରି ସବୁବେଲେ ମାପୁରୁର୍ ସଙ୍ଗ୍ ସରଗ୍‌ପୁରେ ରଇବୁ । ୧୮ ଏସବୁ କାତାମନ୍ ସୁନାଇକରି ତମେ ନିଜର୍ ନିଜର୍ ଲକ୍‌ମନ୍‌କେ ସାଆସି କରାଆ ।



**ମାପୁରୁ ଆରିତରେକ୍ ଆଇଲାନି ତିଆର୍ ଅଇରୁଆ**

୧ ଏ ବାଇମନ୍, ମାପୁରୁ ଜିସୁର୍ ଦିନ୍ କେବେ ଆରି କେଡେବେଲେ ଗଟ୍‌ସି, ସେ ବିସଇ ତମ୍‌କେ ଆରି ଅଦିକ୍ ଲେକ୍‌ବାକେ ଲଡା ନାଇ, ୨ ✨କାଇକେବଇଲେ ମାପୁରୁର୍ ଦିନ୍ ଗଟେକ୍ ଚର୍ ରାଡିଆ ଗରେ ଆସି ପୁରଲ୍‌ପାରା କେଟ୍‌ସି । ୩ ଜେଡେବେଲେ ଲକ୍‌ମନ୍ ସାନ୍ତିସଙ୍ଗ୍ ରଇକରି ଆମ୍‌କେ ଆରି କାଇ ବିପଦ୍ ନ ଆସେ ବଲି ବାବ୍‌ତେରଇବାଇ, ସେଡ୍‌କିବେଲେ ଅଟାଡ୍ ଗାଗ୍‌ଡେଅଇ ରଇଲା ମାଇଜିକେ ପିଲା ଜନମ୍ ଅଇବାବେଲର୍ ଦୁକାସୁକାପାରା ବିନାସର୍ ବେଲା ଆସି କେଟ୍‌ସି । ଆରି ସେମନ୍ କାଇଟା କଲେମିସା ତେଇଅନି ବର୍ଚି ନାପାରଡ୍ । ୪ ମାତର୍ ଏ ବାଇବଇନିମନ୍, ଏବେ ତମେ ଆନ୍ଦାରେ ବାସାଅଇ ରୁଆସ୍ ନାଇ । ତେବେ ସେ ଦିନ୍ ତମର୍ ନାଜାନ୍‌ଡେ ଆରି ଜାଗ୍‌ରଡ୍ ନ ରଇଲା ବେଲାଇ ଚର୍‌ପାରା ଅଇ ନ ଆସେ । ୫ ତମେ

✨ ୪:୧୫ ୪:୧୫ ୧୮ କରନ୍ତିୟ ୧୫:୫୧,୫୨ ✨ ୫:୨ ୫:୨ ମାତିଉ ୨୪:୪୩; ଲୁକ୍ ୧୨:୩୯; ୨ ଯ ପିତର୍ ୩:୧୦

ସବୁଲକ୍ ଉଜଲ୍ ଆରି ଦିନ୍ ବେଲର୍ ପିଲାମନ୍ । ଆମେ ରାତିଆଇ କି ଆନ୍ଦାରେ ରଉନାଇ ।<sup>୬</sup> ତେବେ ଆସା, ଆମେ ବିନ୍ ଲକ୍ମନର୍ ପାରା ଗୁନି ଗୁନି କରି ନ ରଉଁ । ଚେତା ଅଇକରି ଜାଗରତ୍‌ସଙ୍ଗ୍ ରଉଁ ।<sup>୭</sup> ତେବେ ଜନ୍ ଲକ୍ମନର୍ ସଇବାଇ, ସେମନ୍ ରାତିବେଲେ ସଇବାଇ । ଆରି ଜନ୍ ଲକ୍ମନର୍ ମାଡ଼ବାଇ, ସେମନ୍ ରାତିଆ ମାଡ଼ବାଇ ।  
 ୮ ✨ଆମର୍ ବିସ୍‌ବାସ୍ ଆରି ଆମର୍ ଆଲାଦ୍ ଗଟେକ୍ ରକିଆ ପାଇବା ଲୁଆର୍ ବସ୍‌ତର୍ ପାରା ରକିଆ କର୍ସି । ଆମର୍ ଆସା ଗଟେକ୍ ଲୁଆର୍ ଟପି ପାରା ଆମକେ ରକିଆ କର୍ସି ।<sup>୯</sup> କାଇକେବଇଲେ ପର୍ମେସର୍ ଆମକେ ରିସାର୍ ମୁତାର୍ ତଣ୍ଡ ପାଇବାକେ ନ ବାଟିକରି ଆମର୍ ମାପୁରୁ ଜିସୁକିରିସ୍‌ଟର୍ ଲାଗି, ମୁକ୍ତି ପାଇବାକେ ତିଆର୍ କଲାଆତେ ।  
<sup>୧୦</sup> ସେ ଆମର୍ ଲାଗି ତାର୍ ଜିବନ୍ ଦେଲା । ଜେନ୍ତୁକି ଆମେ ଜାଗରତ୍ ଅଇକରି ରଇଲେ କି ସଇକରି ରଇଲେ ମିସା ତାର୍ ସଙ୍ଗ୍ ଜିଇକରି ରଇବାର୍ ଅଇସି ।<sup>୧୧</sup> ତେବେ ତମେ ଜେନ୍ତୁରି କଲାସ୍‌ନି, ସେନ୍ତୁରି ନିଜର୍ ଲକ୍ମନକେ ଦୁକ୍ ସାରାଆ । ଆରି ସାଇଜ କର୍ତ୍ତେରୁଆ ।

**ସାରାସାରି କାତା**

<sup>୧୨</sup> ଏ ବାଇବଇନିମନ୍, ଆମେ ତମକେ ଗୁଆରି କଲୁନି । ତମର୍ ବିତ୍‌ରେ ଜନ୍ ଲକ୍ମନର୍ କସ୍‌ଟ କର୍ବାଇ, ଆରି ମାପୁରୁର୍ ସେବା କାମେ ମିସିକରି, ନେତା ପାରା ରଇକରି ତମକେ ସିକାଇବାଇ, ସେମନ୍‌କେ ମାନିଅ କରା ।<sup>୧୩</sup> ତାକର୍ କାମର୍ ଲାଗି ସେମନ୍‌କେ ଜିବନ୍ ପରାନ୍ ଦେଇକରି ଆଲାଦ୍ କରା । ନିଜର୍ ନିଜର୍ ଲକ୍ମନର୍ ସଙ୍ଗ୍ ସାନ୍ତିସଙ୍ଗ୍ ରୁଆ ।

<sup>୧୪</sup> ଏ ବାଇବଇନିମନ୍, ଆମେ ତମକେ ଗୁଆରି କଲୁନି । ପାଇଟି କାବାଡ଼ ନ କରି ବାଡୁ ଅଇ ରଇବା ଲକ୍ମନକେ ଜାଗରତ୍ କରା । ତାକଲା ପୁଣ୍ଡଲା ଲକ୍ମନକେ ଜତନ୍ କରା । ତରବା ଲକ୍ମନକେ ସାଆସ୍ ଦିଆସ୍ । ଲକ୍ମନର୍ କୁଆ କାତା ମୁର୍ଚି କରି ରୁଆ ।  
<sup>୧୫</sup> ଜାଗରତା, କେ ମିସା କାର୍‌ଆଲେ ଅନିଆଇର୍ ବାଦୁଲେ ଅନିଆଇ ନ କରା । ତାର୍ ବାଦୁଲେ ନିଜର୍ ନିଜର୍ ବିତ୍‌ରେ ଆରି ସବୁଲକ୍‌ର୍ ପାଇ ସବୁବେଲେ ମଙ୍ଗଲ୍ କର୍ବାକେ ଚେସ୍‌ଟା କରା ।

---

✨ ୫:୮ ୫:୮ ଏପିସିୟ ୬:୧୩-୧୭

୧୭ ସବୁବେଳେ ସାର୍ଦାଅଇ ରୁଆ । ୧୭ ସବୁବେଳେ ପାର୍ତନା କରା । ୧୮ ସବୁ ସୁକ୍ ଦୁକ୍ ବେଳେ ମାପୁରୁକେ ଦନିଅବାଦ୍ ଦିଆସ୍ । କାଇକେବଇଲେ କିରିସଟ ଜିସୁର୍ ସଙ୍ଗ୍ ମିସିକରି ଜିଉନା କାଉନା କଲାସ୍ନି ବଲି ପର୍ମେସର୍ ତମଟାନେ ଅନି ମାଙ୍ଗ୍ଲାନି ।

୧୯ ସୁକଲ୍‌ଆଡ଼ମାକେ ଏଲା କରାନାଇ । ୨୦ ସୁକଲ୍‌ଆଡ଼ମା କଇଲା କାତା ଏଲା କରାନାଇ । ୨୧ ସବୁ ବିସଇ ପରିକା କରି ଦେକା, ଜନ୍‌ଟା ସଡ଼, ସେଟା ଚାଡାନାଇ । ୨୨ ସବୁ ରକାମର୍ କାରାପ୍ କାମେଅନି ଦୁରିକେ ରୁଆ ।

୨୩ ନିଜେ ସାକ୍ତି ଦେବା ପର୍ମେସର୍ ତମ୍‌କେ ପୁରାପୁରୁନ୍ କରି ସୁକଲ୍ କର । ଆରି ଆମର୍ ମାପୁରୁ ଜିସୁ ଆରିତରେକ୍ ଆଇବା ବେଳେ, ତମର୍ ଆଡ଼ମା, ଜିବନ୍, ଗାଗଡ଼ କାଇ ଦସ୍ ପାପ୍ ନ ଅଇକରି ସଙ୍ଗ୍ ରଅ । ୨୪ ଜେ ତମ୍‌କେ ବାଟଲା ଆଚେ, ସେ ସେଟା କର୍ସି । କାଇକେବଇଲେ ସେ ବିସ୍‌ବାସ୍ ରକ୍‌ବା ଲକ୍ ।

୨୫ ଏ ବାଇବଇନିମନ୍, ଆମର୍‌ପାଇ ମିସା ପାର୍ତନା କରା ।

୨୬ ସବୁ ବାଇମନ୍‌କେ ସୁକଲ୍ ରଇ, ଆତେ ଦାରି ଜୁଆର୍ କରା ।

୨୭ ସବୁ ବାଇବଇନିମନ୍‌ର୍ ଲଗେ ଏ ଚିଟି ପଡାଆ ବଲି ମୁଇ ମାପୁରୁର୍ ନାଉଁ ଦାରି ତମ୍‌କେ ମୁଇ ତିଆରଲିନି ।

୨୮ ମାପୁରୁ ଜିସୁ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ୍ ର ।

**ସତ୍ତ୍ୱିୟ ବାବ୍**  
**The New Testament in the Desiya language of India:**  
**ସତ୍ତ୍ୱିୟ ବାବ୍ (Bible)**

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

**ସତ୍ତ୍ୱିୟ ବାବ୍**  
**ଦ୍ୱିତୀୟା ନିୟମ, 2020**

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde